

**„ՀԱՅԱՍՏԱՆԻ ՖԻԶԻԿԱԿԱՆ ԿՈՒՆՏՐՈՒՐԱՅԻ ԵՎ ՍՊՈՐՏԻ ՊԵՏԱԿԱՆ ԻՆՍՏԻՏՈՒՏ“
ՀԻՄՆԱԴՐԱՄԻ ԳՆՈՒՄՆԵՐԻ ԵՎ ՊԼԱՆԱՎՈՐՄԱՆ ԲԱԺՆԻ ԿԱՆՈՆԱԴՐՈՒԹՅՈՒՆ**

1.ԸՆԴԱՆՈՒՐ ԴՐՈՒՅԹՆԵՐ

1.1 «Հայաստանի ֆիզիկական կուլտուրայի և սպորտի պետական ինստիտուտե հիմնադրամի (այսուհետ՝ ինստիտուտ) գնումների և պլանավորման բաժինը ինստիտուտի կառուցվածքային ստորաբաժանում է, որի գործունեության իրավական հիմքը գնումների մասին ՀՀ օրենսդրությունն է, Ինստիտուտի և սույն կանոնադրությունները և ինստիտուտի ռեկտորի կողմից արձակված իրավական ակտերը:

1.2 Սույն կանոնադրությամբ սահմանվում են գնումների և պլանավորման բաժնի (այսուհետ՝ բաժին) կողմից իրականացվող Ինստիտուտի կարիքների համար անհրաժեշտ գնումների, գնման առարկայի բնութագրերի հաստատման, գնումների նախնական հսկողության և ֆինանսավորման, համապատասխան հանձնաժողովների կազմավորման և գործունեության, գնումների հետ կապված հրավերի կազմակերպման և պայմանագրերի հիմնական պայմանները, ինչպես նաև կարգավորվում են փոխհարաբերությունները գնումների մասով, այդ թվում սահմանում գնման ընթացակարգերի բովանդակությունը, հաջորդականությունը, կատարման ժամկետները և գնման գործընթացի կառավարման մարմինների և սուբյեկտների հիմնական գործառույթները:

2.ԲԱԺՆԻ ՆՊԱՏԱԿՆԵՐԸ, ԽՆԴԻՐՆԵՐԸ ԵՎ ԳՈՐԾԱՌՈՒՅԹՆԵՐԸ

2.1. Բաժնի նպատակներն են՝

1) գնումների մասին գործող օրենսդրությանը համապատասխան , ինստիտուտի կարիքների համար անհրաժեշտ ապրանքների, ծառայության և աշխատանքների պլանավորումն ու գնումների իրականացումն է՝ ըստ սահմանված ժամանակացույցի:

2.2. Բաժնի հիմնական խնդիրներն են՝

1) ինստիտուտի կարիքների համար ապրանքների, աշխատանքների, ծառայությունների պլանավորում,

2) ինստիտուտի կարիքների գնման առարկայի, օբյեկտի, կիռարման ոլորտի, գործընթացի բովանդակության և ապրանքների, աշխատանքների, ծառայությունների գնման հետ կապված հարաբերությունների իրականացմանը ներկայացվող պահանջների սահմանում,

3) ինստիտուտի, որպես ապրանքների, աշխատանքների և ծառայությունների գնորդ, դրական իմիջի ստեղծում

4) գնման մասնակիցների ինստիտուտի գնումներին մասնակցելու հավասար, արդար և ոչ խտրական պայմանների ապահովում

5) Արդար մրցակցության զարգացում,

- 6) ինստիտուտի գնման գործունեությանը մասնակցող աշխատակիցների կողմից չարաշահումների կանխարգելում,
- 7) ինստիտուտի գործունեության յուրաժամ և ամբողջական ապահովում ապրանքներով, աշխատանքներով և ծառայություններով՝ դրամական միջոցների նպատակային և արդյունավետ օգտագործմամբ, ինչպես նաև տնտեսապես հիմնավորված (ապրանքի շուկայական արժեք) ծախսերի ստացում և գնումները իրականացնող աշխատակիցների կողմից հնարավոր չարաշահումների կանխարգելում,
- 8) գնումների գործընթացի միասնական կանոններով, մրցակցային, թափանցիկ, հրապարակային եւ ոչ խտրական հիմունքներով կազմակերպում:

2.3. Գնման գործընթացը հետևյալ գործընթացների (գործառույթների) ամբողջությունն է:

2.3.1. Բաժնի գործառույթներն են՝

- 1) գնումների պլանավորում.
- 2) գնումների նախապատրաստում.
- 3) պայմանագրի կնքում.
- 4) պայմանագրի կատարում:

2.4. Գնումների գործընթացին առնչվում են նաև հետևյալ գործընթացները՝ (գործառույթները)՝

1) հաշվետվողականություն, որը ինստիտուտի կողմից ձեռնարկվող միջոցների ամբողջականությունն է, որով ապահովվում են գնումների գործընթացի վերաբերյալ ամբողջական, արժանահավատ և ժամանակին տեղեկությունների առկայությունը:

2) հսկողություն, ինստիտուտի կողմից գնումների գործընթացի ինքնուրույն գնահատումն է:

Հսկողության նպատակն է ապահովել, որ՝

ա) առկա ռեսուրսներն օգտագործվեն և գործառույթները կատարվեն նախանշված պայմաններին համապատասխան,

բ) միջոցները պաշտպանված լինեն վատնումից, խարդախությունից,

գ) որոշում ընդունելու համար առկա լինի վստահելի և ժամանակին ներկայացված տեղեկատվություն:

3) ներքին աուդիտ:

3. ԲԱԺՆԻ ԿԱՌՈՒՑՎԱԾՔԸ:ԿԱՌԱՎԱՐՈՒՄԸ

3.1 Բաժնի կազմը և թվաքանակը հաստատվում է ռեկտորի կողմից՝ հաշվի առնելով ինստիտուտի գործունեության պայմանները և առանձնահատկությունները:

3.2 Բաժինը կազմված է հետևյալ աշխատակիցներից՝

- 1) բաժնի վարիչ,
- 2) մատակարար,
- 3) ապրանքագետ:

3.3 Բաժնի աշխատակիցներն ընդունվում և ազատվում են ռեկտորի հրամանով:

3.3 Բաժնի ղեկավարումը իրականացնում է վարիչը, որը պաշտոնին նշանակվում և ազատվում է ռեկտորի հրամանով: Բաժնի վարիչը անմիջապես ենթարկվում է ռեկտորին:

4. ԲԱԺՆԻ ՎԵՐԱԿԱԶՄԱԿԵՐՊՈՒՄԸ ԵՎ ԼՈՒԾԱՐՈՒՄԸ

4.1. Բաժինը վերակազմակերպվում կամ լուծարվում է ինստիտուտի հոգաբարձուների խորհրդի որոշմամբ:

5. ԵԶՐԱՓՈՒԿ ԴՐՈՒՅԹՆԵՐ

5.1 Սույն կանոնադրությունը ընդունվում, նրանում լրացումներ կամ փոփոխություններ կատարվում են ինստիտուտի գիտական խորհրդի որոշմամբ: